



Broj: 03-02-04-50116/22  
Sarajevo, 15.12.2023. godine

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
PREDSTAVNIČKI DOM  
Sekretar

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primljeno: 2023-12-15			
Org. jed.	Broj	Priloga	Vrijednost
05/1	- 02-	446	23

**PREDMET:** Odgovor na zastupničku inicijativu, dostavlja se  
Veza: vaš akt broj: 05/1-02-446/23 od 23.11.2023. godine

Aktom Stručne službe Vlade Kantona Sarajevo, broj: 16-04-50116/22 od 6.12.2023. godine, Ministarstvu pravde i uprave Kantona Sarajevo dostavljen je akt, broj i datum veze, u čijem je prilogu inicijativa Alme Kratina, zastupnice u Zastupničkom domu Parlamenta Federacije Bosne i Hercegovine. Navedenom inicijativom traži se da *subjekti zaštite žrtava porodičnog nasilja (sud, tužilaštvo, policija i centri za socijalni rad) Tuzlanskog kantona i Kantona Sarajevo dostave Parlamentu Federacije BiH rezultate provedenih analiza postupanja subjekata zaštite kada su u pitanju slučajevi okrutnog nasilja sa smrtnim ishodom u Gradačcu i Sarajevu, u slučaju ubistva Nizame Hećimović i Emire Maslan, uz informaciju da li su provedene interne istrage postupanja službenika u okviru institucija u lancu zaštite žrtava (sud, tužilaštvo, policija centri za socijalni rad) i da li je u slučaju ubistva Nizame Hećimović neko neovisno tijelo izvršilo minitoring (procjenu) postupanja nadležnih tijela u Gradačcu i da tražene informacije dostave Parlamentu u narednih 15 dana.*

Imajući u vidu navode zastupničke inicijative, činjenicu da je inicijativa dostavljena i nadležnim institucijama koje mogu ponuditi konkretne odgovore, kao i nadležnosti Ministarstva pravde i uprave Kantona Sarajevo, ovo Ministarstvo daje informacije o sljedećem.

Cijeneći značaj prevencije i pravovremenog i adekvatnog reagiranja institucija u Kantonu Sarajevo na slučajeve nasilja u porodici i rodno zasnovanog nasilja, u Kantonu Sarajevo je 6.12.2023. godine potpisan Protokol o radu i saradnji koordinacionog tijela na prevenciji, zaštiti i borbi protiv nasilja u porodici između Vlade Kantona Sarajevo, Kantonalnog tužilaštva i nevladinih organizacija. Ovim protokolom uređuju se prava, obaveze i načini postupanja potpisnika Protokola u osiguranju prevencije svih pojava oblika nasilja u porodici, postupanja kod prijave ili saznanja o slučajevima nasilja u porodici, pružanja zaštite žrtvama nasilja u porodici, kao i načini međusobne saradnje potpisnika na unapređenju sistema zaštite od nasilja u porodici, a saglasno odredbama Zakona o zaštiti od nasilja u porodici ("Službene novine Federacije BiH", broj: 20/13 i 75/21), Zakona o ravnopravnosti spolova u Bosni i Hercegovini – Prečišćeni tekst ("Službeni glasnik Bosne i



Hercegovine”, broj 32/10), Krivičnog zakona Federacije Bosne i Hercegovine (“Službene novine Federacije BiH”, br. 36/03, 21/04, 69/04, 18/05, 42/10, 42/11, 59/14, 76/14, 46/16 i 75/17 i 31/23), Zakona o zaštiti i postupanju sa djecom i maloljetnicima u krivičnom postupku (“Službene novine Federacije BiH”, broj: 7/14 i 74/20), Zakona o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Kantona Sarajevo”, br. 38/14 – Prečišćeni tekst, 38/16, 44/17, 28/18, 52/21 i 40/22) i drugim obavezujućim međunarodnim i domaćim zakonskim i podzakonskim propisima, strategijama i akcionim planovima kojima se uređuje ili unapređuje sistem zaštite od nasilja u porodici. Obaveza Ministarstva pravde i uprave Kantona Sarajevo kao potpisnika ovog protokola je da osigura provođenje ovog protokola u okviru svojih nadležnosti, s ciljem osiguranja unapređenja zakonodavnog okvira i postupanja pravosuđa u oblasti zaštite od nasilja u porodici, a što podrazumijeva sljedeće: zalaganje za usklađivanje zakonodavnog okvira sa međunarodnim standardima u oblasti zaštite od nasilja u porodici; zalaganje za puno provođenje pozitivnih zakonskih i podzakonskih propisa; promovisanje zaštite od nasilja u porodici kao opće prisutnog problema; pružanje podrške organizacijama civilnog društva u provođenju i implementaciji aktivnosti u vezi s unapređenjem zakonodavnog okvira za zaštitu od nasilja u porodici; pružanje podrške organizacijama civilnog društva na suzbijanju nasilja u porodici, razvijanje sistema besplatne pravne pomoći i unapređenje rada pravosuđa u oblastima koje su od koristi za funkcionisanje sistema zaštite od nasilja u porodici te zalaganje za senzibilizaciju opuslenih u organima i tijelima uprave o problemu nasilja u porodici.

Uspostavljanjem multidisciplinarnе saradnje institucija potpisnika Protokola, Kanton Sarajevo će zajedničkim djelovanjem obezbijediti bolje uslove za postizanje veće kvalitete i efikasnosti u prevenciji, zaštiti i djelovanju u sistemu zaštite od nasilja u porodici u Kantonu Sarajevo, uz osiguranje standarda rada i postupanja u skladu sa ratificiranim međunarodnim dokumentima, zakonima i ostalim propisima iz oblasti zaštite od nasilja u porodici.

S poštovanjem,

  
**MINISTRICA**  
  
**Darja Softić Kadenić**